

Magie naturalis.

Den Rauch vber deine Haar gehen, halt ein wenig damit still/ truckne sie darnach gänzlich/ so werden sie hübsch salb werden.

Haar auff allerley Farben zu ferben?

Nim Archenda, gülden Lytargirium von einem jeden 1. vnß/ Gallettum 5. vnßen/ Brunwasser 4. Theil/ laß den dritten Theil einsieden/ nim Weinrebenaßchen darzu/ vnd laß die Lauge distillirn/ vnd wenn es kalt worden/ so thue es auff die Haar/ so werden sie Castanienfarb: vnd wenn sie laulich warm ist/ werden sie rot: vnd wenn recht warm ist/ werden sie schwarz.

Item/ nim anderthalb viertel von cinem maß Regenwasser/ silbern Lytargirium 3. vnßen/ Garofali Archenda, an. eines grosche schwer/ eine Muscatnuß/ vnd guten Weinessig/ ein halb Glas voll laß es sieden/ vnd nehe darnach die Haar/ den Kam/ oder einen Schwam/ vnd wasche sie damit. Ist die decoction warm/ so wirds schwarz/ ist aber nicht warm/ so wirds rot/ ist aber gar kalt/ so wird es Castanienfarb. Das Regenwasser aber wird also zugericht: Nim vngelochten Kalck 1. theil/ Aschen von starckem Holz 2. theil/ thue es in ein hölkern Trogl/ thue auch alle die Dinge sampt dem Regenwasser darauff/ vnd laß es ein wenig stehen.

Ein anders graue oder schwarke Haar rot zu ferben?

Nim weiche Seiffen/ vngelochten Kalck/ Lytargirium aureum ana, vnd mache eine Salbe darauff schmiere die Haar damit/ vñ wañ sie eine zeitlang an den Haaren gewest/ so wasche sie widerumb mit Wein ab/ steht sie nicht lange drauff/ so werden die Haar rot/ steht sie aber lange/ so werden sie schwarz.

Die Haar deines gefallens zu ferben?

Salben erslich die Haar 3. oder 4. mal mit Beeren schmalze. Wiltu sie hernach gelbicht haben/ so lege gestossen Saffran in die Laugen/ sollen sie schwarz werden/ so thue Aschen von Weinreben drein. Sollen sie aber weiß werden/ so thu wie oben mit dem Schwesbel berichtet werden.

E. 2.

Das